

Yeshua, Esun Ungi di Israel i Juda; Su Amor!!!

Felipe a haña Natanael i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi Yeshua di Nazarèt, yu di Jose." (Juan 1:45).

Yeshua: e Lei, e Enseñansa di Dios Tata!!!.

"Un mandamentu nobo Mi ta duna boso, pa boso stima otro, i meskos ku Ami a stima boso, pa boso tambe stima otro. Na esaki tur hende lo sa ku boso ta Mi Disipel, si boso tin Amor un pa otro." (Juan 13:34-35).

Yeshua: e Lei, e Enseñansa di Dios Tata!!!.

"Meskos ku e Tata a Stima Mi, Ami tambe a Stima boso; keda den Mi Amor. Si boso warda Mi Mandamentunan, boso lo keda den Mi Amor; meskos ku Mi a warda e Mandamentunan di Mi Tata, i ta keda den Su Amor. (Juan 15:9-10).

Yeshua; Su Amor, e Amor di Dios Tata!!!.

E Palabra rais di Amor den Hebreo aki nan ta nifiká entre otro: Agradabel, Stimashon, Amabilidad, yama Bonbiní, Amistat, Amigu. Esaki kiermen, si abo tin e Amor di Yeshua den abo su bida, abo lo ta un hende ku ta Agradabel, duna Stimashon, tin Amabilidad, pa yama Bonbiní i sera Amistat ku e Amigunan di Yeshua, Esun Ungi, e Messias.

Yeshua; Su Amor, e Amor di Dios Tata!!!.

Yeshua ta Amor, meskos ku Dios ta Amor (1 Juan 4:8). Si abo ta warda e Mandamentunan di Dios den abo su kurason i abo a realisa ku ta e mesun Mandamentunan aki Yeshua ta papia di dje anto abo ta yu di Dios (Romanonan 8:14).

Ta pa e motibu aki Yeshua a bisa: "Lo Mi no laga abo manera wérfano; lo Mi bin serka abo." Yeshua lo bin serka abo pa medio di e otro Konsolador, e otro Yudadó, Asistente, Abogado, Konsehero, Mediador, Fortifikdor ku lo keda serka abo pa semper, esta, e Spiritu di Bèrdat, Kende e mundu no por risibí, pasobra e no ta mir'E ni konos'E, ma abo si konos'E pasobra E ta biba serka abo i lo ta den abo su kurason. (Juan 14:15-18).

Yeshua; Su Amor, e Amor di Dios Tata!!!.

E Amor di e Spiritu Santu ta e resultado di Dios Tata Su Presensia den abo su bida. E Amor di e Spiritu Santu ta e resultado di Yeshua Su Presensia den abo su bida.

Ta pa e motibu aki Yeshua a kontesta: "Esun di promé ta: 'Tende, O Israel, SEÑOR nos Dios ta ún SEÑOR. Stima SEÑOR bo Dios ku henter bo Kurason, i ku henter bo Alma, i ku henter bo Mente, i ku tur bo Forsa.' E di dos ta esaki: 'Stima bo Próhimo manera bo mes.' No tin ningun otro Mandamentu mas grandi ku esakinan." (Marko 12:29-31)&(Deuteronomio 6:4-6).

11 òktober 2020

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.